

642 **Garzontis Hundert vnd fünf vnd zwanzigster Discurs/
Der Hundert fünf vnd zwanzigste Discurs/
Von Würffelmachern.**

W Egenwertigē Discurs von Würffelmachern kan mit wenig Worten abgeholfen werden/ sintemal das ganze Werck so veracht/ vnd der Gewinn dabey so gering/ daß man nit viel wort zur Beschreibung/ vnd noch viel weniger zum Lob desselbigen bedarff. Dieses will ich aber fürnemlich melden/ daß nach Plinii fürgeben/ die Würffel erstlich von den Indiern erfunden/ welchen man auch die Schuld gibt/ daß sie das Bretspiel auffgebracht haben/ damit sich noch auff den heutigen tag etliche müßige Leute so höchlich erfreuen vnd erlustiren.

Form des
Würffels
bey den
Ältern.

Bei den Ältern hatte der Würffel/ welchen sie Talum nenneten/ nur vier Seiten/ auff deren einer Eins stundt/ vnd dieselbige Seite nenneten sie Canem, oder Caniculam. Gegen dieser stundt die siebende zahl/ vnd ward genant Venus, oder Couis: Die andere zwei Seiten nenneten sie Chium vnd Senionem, auff deren einer vier/ auff der andern aber drey gezeichnet waren. Sind also anders gewesen/ als die/ so man heutiges tages brauchet: vnd mögen vielleicht diese auch dazumal bekant/ vnd mit dem Namen Tesseræ genant gewesen seyn/ darvon meines erachtens Cicero lib. I. de Diuinatione geredt/ da er sagt: Quid enim fors? idem propemodum, quod micare, quod talos iacere, quod tesseras: all da man sihet/ dz talos iacere etwas anders muß

gewesen seyn / als tesseras iacere, wiewol sie alle beyde Glückspiel sind/ die er dem Loß werffen vergleichet.

Nun die Inuention dieses Wercks ist nit allein wenig nützlich/ sondern auch schädlich/ als welche nirgends anders hin sihet vnd gericht ist/ als auff das Spielen/ welches gegen der geringen Kurzweil/ so darbey gesucht wirdt/ tausenderley Schaden in sich hat/ vnd spielet mancher/ daß beydes Leib vnd Seele/ beneben den zeitlichen Gütern/ auff dem plas bleiben. Derhalben es nicht vnbillig/ so wol in Keyserlichen/ als in Geistlichen Rechten/ verbotten ist/ wie man in der Summa, so Supplementum genant/ hat zu sehen/ bey dem wort Ludus alex. Es wirdt auch bey dem meisten theil zu einer Todtsünden/ von wegen des Geizes/ vnd anderen sündlichen bösen Umständen/ so damit eynfallen vnd vnterlauffen.

Demnach ich aber vorgenommen weiter vom Spielen/ vnd den Schäden vnd Vngemachen/ so darauff entstehen/ in dem Tractatu von den Spielern zu reden/ will ich es auff dißmal bey dieser kurzen Andeutung bewenden lassen/ vnd den günstigen Leser auff gemeldten Ort gewiesen haben. Lassen sie derhalben/ beneben den Kartenmalern/ die nicht eine Säwbursten besser find/ fahren/ vnd sihen andere ehrlichere Leute zu vnserer Gesellschaft.

A N N O T A T I O

Über den Hundert fünf vnd zwanzigsten Discurs.

Nach Capitan Firmici da Heppi Meynung/ hat der jenig so die Würffel erfundē/ sechs Galgen verdienet/ wie er sechs Puncten darauff gesetzt/ nemlich einen für sich/ einen für seine Wittengesellen/ die mit ihm gespielt/ einen für die/ so ihm zusehen/ einen für den/ so den Spielplatz gehalten/ einen für den/ so ihn das Spielen gelernet/ vnd endlich einen für die Herrschafft/ die es nicht also bald im Anfang abgeschafft vnd gestrafft.

**Der Hundert sechs vnd zwanzigste Discurs/
Von Kürsenern vnd Fellwerckberейtern.**

Alter vnd
Adel des
Kürseners
Hand-
wercks.



I e Kürsner sind de Schneidern ziemlich nahe verwandt/ als die/ so mit ihnen gleiches Adels/ vnd ihr Alter von einer zeit hero/ wie droben von den Schneidern gemeldet worden/ mit Schildt vnd Helm zeigen können/ nemlich von der zeit vnserer ersten Eltern im Paradies/ denen **Q D E** selbst/ wie man in Genesi

lieset/ Kleider/ oder Schürz von Fellen gemacht/ mit welchen sie sich so wol befunden/ daß sie hernach biß auff den heutigen tag/ solche Pelskleidung vnter ihren Kindern vnd Nachkommenen/ nit allein als nützlich/ sondern auch als ehrlich/ behalten haben/ Dabey man das Alter/ den Adel/ Ehr vnd Fürtrefflichkeit der Kürsner zu vermercken vnd abzunemen hat.

So